

Dipotso tse botswang kgafetsa: Dikriptokharensi

Potso		Karabo
P1.	Ebe ntlhakemo ya SARS ke efe mabapi le khriptokharensi; ebe le nka hore ke tjhelete ya nnete?	Khriptokharensi ha e nkuwe e le e ka sebediswang ho reka dintho; le ha ho le jwalo potso ya hao e mabapi le hore maemo a jwale a khriptokharensi ke afe e ka arajwa ka bokgabane ke Banka ya Riseke ya Afrika Borwa. Etela www.resbank.co.za
P2.	Ebe khriptokharensi e sebetsa jwang ha ho tluwa ho tsa tefiso ya lekgetho?	Ditransekhene kapa bolepi ba khriptokharensi bo angwa ke metheo ya kakaretso ya molao wa lekgetho wa Afrika Borwa mme e lefiswa lekgetho ho latela seo. Ha re kgone ho fana ka keletso, le ha ho le jwalo, ho itshetlehlile hodima mabaka a mang le ho latela boemo bo itseng, ho ka nna ha sebetsa lekgetho la kuno e entsweng ka mora thekiso ya dithoto kapa lekgetho la tlwaelo.
P3.	Ebe motho ka bomong ya "maenang/rafang" khriptokharensi jwalo ka kgwebisano kapa kgwebo o angwa ke lekgetho la lekeno le fumanweng ho tswa diketsahalang tseo?	Lekeno le jwalo le angwa ke lekgetho la tlwaelo. Motho a ka lokela ke ho ingodisa ho ba molefalekgetho wa nakwana ebang paloyohle ya lekeno la hae le lefisiwang lekgetho e feta moedi wa lekgetho bakeng sa selemo sa ditjhelete.
P4.	Ebe molefalekgetho ya fumanang khriptokharensi jwalo ka tefo ya dithoto kapa ditshebeletso, ho akareditse boleng bo seng leeme ba dikriptokharensi ha ho tluwa ho lekeno la hae lohle (pele ho ditloso)?	E, lekeno le jwalo le angwa ke lekgetho la tlwaelo.
P5.	Na khriptokharensi e fumanweng ke rakontraka ya ikemetseng bakeng sa ho phethahatsa ditshebeletso ke karolo ya lekeno la ho itshebetsa?	Lekeno le jwalo le angwa ke lekgetho la tlwaelo. Motho a ka lokela ke ho ingodisa ho ba molefalekgetho wa nakwana ebang paloyohle ya lekeno la hae le lefisiwang lekgetho e feta moedi wa lekgetho bakeng sa selemo sa ditjhelete. Dikgulo di dumelletsewe ebang di ikobela metheo ya kakaretso ya lekgetho la lekeno, ha feela e le hore ditshenyehelo tse jwalo di bile teng ka nako ya tlhahiso ya lekeno bakeng sa tse mabapi le kgwebisano.

P6.	Na khriptokharensi e lefilweng ke mongamosebetsi, jwalo ka karolo ya moputso wa ditshebeletso tsa hae ke karolo ya mokgolo wa hae ho tse mabapi le lekgetho?	Lekeno le jwalo le nkuwa e le moputso ha ho tluwa ho tsa lekgetho mme ka hona le angwa ke lekgetho la tlwaelo.
P7.	Ebe balefalekgetho ba tla angwa ke dikotlo tsa ho tshwara transekshene ya khriptokharensi ka tsela e sa tsamaisaneng le melao ya lekgetho ya Afrika Borwa?	Balefalekgetho ba ka angwa ke dikotlo, ho itshetlehlilwe hodima boitshwara bo bileng teng. Sheba Kgaolo ya 16 le karolo ya 223 ka ho qolleha ya Molao wa Tsamaiso ya Lekgetho, 2011.
P8.	Ebe ke dife tse tlang ho nkuwa e le bopaki bo amohelehang ba theko kapa ditheko tsa thekiso?	Dirasiti tse tlwaelehleng le / di-invoice di lekane.
P9.	Ebe theko ya ho reka e ka ba theko e lefilweng ka letsatsi la theko kapa ho latela kakaretso e setlwaeding ya diabo ka selemo seo?	Theko ya ho reka e tla sebetswa ho latela letsatsi leo kamohelo kapa ho hloma ho fumanweng ka lona. Khriptokharensi ha e nkuwe e le seabo mme kahoo SARS ha e sebetsane le yona ho latela kakaretso e setlwaeding ya selemo.
P10.	Ebe SARS e tla fumana ditransekshene tsa Bitcoin jwang?	Ho ya ka molao, SARS e fuwe matla a batsi a pokello ho latela dintlha tsa Molao wa Lekgetho la Lekeno. Ho phethahatswa ha molao le metjha ya oditi ke sephiri mme ha di arolelanwe le setjhaba.
P11.	Na lekgetho la Bitcoin le sebetsa ho qala morao mme ebe ho na le dikotlo tse mabapi le ho se ikobele?	Ditranssekshene tsa dikhriptokharensi di latela metheo e tlwaelehleng ya lekgetho. Kahoo, dikotlo le tswala di tla behwa ho ya ka tlwaelo.
P12.	Ebe ditshenyehelo tse bileng teng ka lebaka la ho hweba ka khriptokharensi ya Bitcoin di ka hulelwa lekgetho kapa tjhe?	Ditshenyehelo tse bileng teng hodima dikhriptokharensi di ka hulwa ha feela e le hore di ikamahanya le ditlhoko tsohle tse mabapi le Molao wa Lekgetho la Lekeno.
P13.	Bitcoin ha se tjhelete ebile ha se thepa. E lefiswa lekgetho jwang?	Re dumellana le wena hore bitcoin ha se tjhelete empa ha ho tluwa ho tsa lekgetho la lekeno mona Afrika Borwa, e nkuwa e le thepa ya tse mabapi le lekgetho la lekeno le setoko seo ho hwebisanwang ka sona.
P14.	Ebe o tsebahatsa kgwebisano ya khriptokharensi ya Bitcoin jwang kgutlisong ya hao ya Lekgetho la Nakwana (IRP6)?	Lekeno kapa boleng ba mmara ba tsona ke karolo ya paloyohle ya lekeno le lefisiwang lekgetho la molefalekgetho la selemo sa hlahlobo moo ho lokelang hore ho leshwe lekgetho la nakwana.

P15.	Ebe ke tsebahatsa lekeno la ka la khriptokharensi jwang, kae foromong ya ITR12?	Ho itshetlehilwe hodima mabaka le boemo ba ditaba tsa hao, ho ka nna ha sebetsa lekgetho la kuno e entsweng ka mora thekiso ya dithoto kapa lekgetho la tlwaelo. Molefalekgetho o tla tsebahatsa lekgetho le jwalo le lefiswang lekgetho ka hara khoutu ya mohlodi kapa sekgeo sa kgutliso ya lekgetho seo ho nehelanweng ka sona.
------	---	--